

# 菩薩摩訶薩欲習相應當學般若波羅蜜

「大智度論」集粹之三十五

智  
銘

(續上期)

象生五欲因緣，故受苦樂；取相因緣，故染著是樂；以染著樂故，或起三毒；若三善根，是名爲行；識爲其主，受用上事。五欲即是色，色是根本，故初說色象，餘次第有名。餘入、界諸法等，皆由五象次第有；唯法入、法思中，增無爲法；四諦中，增智緣滅。入、界，乃至有爲、無爲法，如上說。

今五象等諸法皆是空，何以故？聖主說故。聖有三種：下、中、上。佛爲其主，佛得一切智慧，故名爲聖主。聖主所說故，應當是實。復次，以十八空故一切法空，若以性空能空一切法，何況十八！若以內空、外空，能空一切法，何況十八！復次，若無法不空，應當有二種：色法、非色法。是色法，分別破裂，乃至微塵，分別微塵亦不可得，終卒皆空。無色法，念念生滅故皆空，如四念處中說。

諸法性空，但有名字，因緣和合故有名字。如山河、草木、土地、人民，州郡、城邑，名之爲國；……：片片和合，故有分名，象札和合，故有片名；象微和合，故有札名，是象微塵，有大、有中、有小；大者遊塵可見，中者諸天所見，小者上聖人天眼所見；慧眼觀之，則無所見。所以者何？性實無故。若微塵實有，卽是常，不可分裂，不可毀壞，火不能燒，水不能沒。若微塵有形、無形，二俱有過。若無形，云何是色？若微塵有形，則與虛空作分，亦有十分；若有十分則不名爲微塵。佛法中色，無有遠近、粗細是常者。(註：微塵破則爲原子，原子能放，則歸空。)

離是因緣名字，則無有法。今除山河、土地因緣名字，更無國名；……：除片名因緣，則無分名，除札因緣名字，則無片名，除象微塵因緣名字，則無札名；除中微塵名字，則無大微塵名；除小微塵名字，則無中微塵名。除天眼妄見，則無小微塵名。如是等種種因緣義故，知諸法必空。

名字與法俱無有異，以是故知一切法空。一切法實空，所以者何？定無有一法故，皆從多法和合生。若無一，亦無有多。若

無和合，則無一法。若無一法，則亦無多。初一、後多故。一切諸觀誠言戲論，皆無實者，若世間常亦不然，世間無常亦不然，有衆生、無衆生；有邊、無邊；有我、無我；諸法實、諸法空；皆不然。若是諸觀戲論皆無者，云何不空？

空有二種：一者、說名字空，但破著而不破空；二者、以空破有，亦無有空。劫火既滅，持水之風亦滅，一切廓然，無有遺餘。空亦如是，破諸法皆空，唯有空在而取相著之。大空者，破一切法，空亦復空。以是故，若滅諸戲論，云何不空？如是等種種因緣，處處說空，當知一切法空。

習者，隨般若波羅蜜修習行觀，不息不休，是名爲習。譬如弟子隨順師教，不違師意，是名相應。如般若波羅蜜相，菩薩亦隨是相以智慧觀，能得能成就，不增不減，是名相應。雖般若波羅蜜滅諸觀法，而習慧力故，名爲無所不能，無所不觀，能如是知，不墮二邊，是爲與般若相應。

#### 四、說習應法

(一)佛言：「菩薩摩訶薩習應性空，是名與般若波羅蜜相應。如是，菩薩摩訶薩行般若波羅蜜習應七空：所謂性空、自相空、諸法空、不可得空、無法空、有法空、無法有法空，是名與般若波羅蜜相應。」佛法中，廣說爲十八空，畧說則七空。如廣說助道法，則有三十七品，畧說則七覺分。復次，是七空多利益衆生故。如太空、無始空，或時有衆生起是邪見，爲是故說。

性空者，一切諸法性，本末常自空，何況現在！因緣常空，何況果報！自相空者，諸法總相、別相，盡觀其空，心則遠離。用是二空，諸法皆空，是名諸法空。從性空故有相，相空故諸法皆空；諸法空故，更無所得，是名不可得空。用是四種空，破一切有法；若以有法有相爲過者取於無法；是故說無法空。若以無法爲非，還欲取有法，是故說有法空。先說四空，雖破有法，行者心則離有而存於無，是則說無法空；若說無法爲非，心無所寄

，還欲存有，是故畧說有法空，以存有心薄故。無法有法空者，行者以無法空爲非，心還疑有；若心觀有，還疑無法；是故有、無俱觀其空，如內、外空觀。以是故，但說七空。知一切法空滅諸觀，是名與般若波羅蜜相應。

(二)佛言：「菩薩摩訶薩習應七空時，不見色若相應若不相應，不見受、想、行、識若相應若不相應；不見色若生相若滅相，不見受、想、行、識若生相若滅相；不見色若垢相若淨相，不見受、想、行、識若垢相若淨相。」不見色若生相若滅相者，不見衆生有生有滅。若五衆有生滅相，即墮斷滅中，墮斷滅故，則無罪無福，無罪無福故，與禽獸無異。不見色若垢若淨者，不見五衆有縛有解。若五衆是縛性，無有得解脫者；若五衆是淨性，則無有學道法。

佛言：「不見色與受合，不見受與想合，不見想與行合，不見行與識合，何以故？無有法與法合者，其性空故。」心、心數法無形，無形故，則無住處；以是故，色不與受合。如四大及四大所造色，二觸和合；心、心數法中無觸法故，不得和合。故佛說無有法與法合者。何以故？一切法性常空故。若無法與法合，亦無有離。故佛又說：

「色空中無有色，受、想、行、識，空中無有識。」

何以故？色與空相違，若空來則滅色，云何色空中有色？譬如火中無水，水中無火，性相違故。復次，有人言：色非實空，行者入空三昧中，見色爲空，以是故言：色空中都無有色，受、想、行、識亦如是。

佛言：「色空故，無惱壞相，受空故，無受相，想空故，無知相，行空故，無作相，識空故，無覺相。何以故？非色異空，非空異色；色即是空，空即是色；受、想、行、識亦如是。」此處，佛重說因緣，色五衆與空異，空中應有五衆；今五衆不異空，空不異五衆，五衆即是空，空即是五衆，以是故，空不破五衆，所以者何？是中佛自說因緣：

「是諸空相，不生不滅，不垢不淨，不增不減。是空法，非

過去，非未來，非現在。是故空中無色、無受、想、行、識；無眼、耳、鼻、舌、身、意；無色、聲、香、味、觸、法；無眼界，乃至無意識界。無無明，亦無無明盡，乃至無老死，亦無老死盡；無苦、集、滅、道；無智，亦無得。無須陀洹，無須陀洹果；無斯陀含，無斯陀含果；無阿那含，無阿那含果；無阿羅漢，無阿羅漢果；無辟支佛，無辟支佛道；無佛，亦無佛道。舍利弗！菩薩摩訶薩如是習應，是名與般若波羅蜜相應。」有人雖復習空，而想空中猶有諸法。如行慈人，雖無象生而想象生得樂，自得無量福故。以是故，佛說諸法性常自空，非空三時故令法空；若言以空三昧故令法空者，是事不然！智者，是無漏人智，得者，初得聖道。

(三)佛言：「是菩薩摩訶薩行般若波羅蜜，不見般若波羅蜜相應若不相應，不見檀波羅蜜、尸波羅蜜、羸提波羅蜜、毗梨耶波羅蜜、禪波羅蜜，若相應若不相應；亦不見色，若相應若不相應；不見受、想、行、識；若相應若不相應；不見眼乃至意，色乃至法；眼色識界乃至意法識界，若相應若不相應；不見四念處乃至八聖道分，佛十力乃至一切種智，若相應若不相應。如是，當知菩薩摩訶薩與般若波羅蜜相應。」菩薩得諸法實相，入般若波羅蜜，即於般若波羅蜜不見定相，若相應不相應，何況見有餘法！云何不見般若波羅蜜相應不相應？不見如是行，為應般若波羅蜜；不見不如是行，為不應般若波羅蜜。如常、樂、我行，不應般若波羅蜜；無常、苦、無我行，為應般若波羅蜜；若行實、不應般若波羅蜜，若行空、為應般若波羅蜜；如有、無行，為不應般若波羅蜜；如非有、非無行，為應般若波羅蜜。般若波羅蜜中，皆無是事；般若波羅蜜相，畢竟清淨故，五波羅蜜、五象乃至一切種智，亦如是。蓋五事離般若波羅蜜，不名波羅蜜；與般若波羅蜜和合故，名波羅蜜，如般若波羅蜜初品中說。云何名檀波羅蜜？不見施者，不見受者，無財物故。五象法是菩薩觀處，與般若波羅蜜和合故，畢竟清淨故，不見相應不相應。十二入、十八界、十二因緣，亦如是。是諸法無有定性，無有定法，以是故，不見若相應若不相應。十八空、四念處乃至大慈大悲、一切

種智，不見若相應若不相應。

是菩薩非聲聞、辟支佛，但亦觀聲聞、辟支佛法，欲以聲聞、辟支佛道度眾生故。復有人言：行聲聞、辟支佛道，但不取證。如後品中說：入空、無相、無作三昧，菩薩住是三解脫門，作是念言：今是觀時，非是證時。或有新發意菩薩，聞有聲聞、辟支佛三十七品法，讀、誦、正憶念、分別；以是故，說菩薩有三十七品。佛十力等亦如是。菩薩，自於菩薩十力、四無所畏、十八不共法中住，住是法中，若聞、若憶想、分別佛十力、四無所畏、十八不共法中住，住是法中，若聞、若憶想、分別佛十力、四無所畏、十八不共法等甚深微妙，亦是我分。是菩薩無量阿僧祇劫來，修習佛十力、四無所畏等，坐樹下時，得無礙解脫，故增益清淨。譬如勳勞既立，然後受其功賞。菩薩亦是，有是功德，乃受其名，是功德，皆是般若波羅蜜勢力合故，不見若相應若不相應。此諸法義，從六波羅蜜乃至一切智，先已說。

(四)佛言：「菩薩摩訶薩行般若波羅蜜時，空不與空合，無相不與無相合，無作不與無作合。何以故？空、無相、無作，無有合與不合。菩薩摩訶薩如是習應，是名與般若波羅蜜相應。」空有二種：一者、空三昧；二者、法空。空三昧不與法空合，何以故？若以空三昧力合法空者，是法外自性空。又空者法自空，不從因緣生，若從因緣生，則不名性空。行者若入空時，出時不見空，當知是虛妄。復次，佛自說因緣，空中無合無不合，無相、無作亦如是。菩薩如是習應，是名與般若波羅蜜相應。

(五)佛言：「菩薩摩訶薩行般若波羅蜜時，入諸法自相空。入已，色不作合；受、想、行、識不作合，不作不合。色不與前際合；何以故？不見前際故。色不與後際合，何以故？不見後際故。色不與現在合，何以故？不見現在故。受、想、行、識亦如是。」先說空、無相、無作，無合無不合，今更說因緣；入自相空故，五象，不作合不作不合，若一切法自相空，是中無有合不

合。合者，諸法如其相，如地堅相，識知相；如是等自相，不在異法，是名爲合。不合者，自相不在自法中。畧說諸法相，不增不減。色，不說與前際合，何以故？前際空無所有，但有名字；若色入過去，則滅無所有，云何與前際合？後際者，未有未生。色，不應與後際合。現在色，生滅不住故，不可取相，色，不應與現在合。復次，佛自說因緣，色，不與前際合，非不合；何以故？前際不可見故。色，不與後際合，非不合；何以故？後際不可見故。色，不與現在合，非不合；何以故？現在不可見故。受、想、行、識亦如是。

(六)佛言：「菩薩摩訶薩行般若波羅密，前際不與後際合，後際不與前際合；現在不與前際後際合，前際後際不與現在合；三世名空故。菩薩摩訶薩如是習應者，是名與般若波羅密相應。」有人說：三世諸法皆是有，未來法轉爲現在，現在轉爲過去。如泥團爲現在，瓶爲未來，土爲過去，若成瓶時，瓶爲現在，泥團爲過去，瓶破爲未來，如是者是爲合。謂有三世，是事不然，以多過故，是爲不合。三世合者，如過去法與過去、未來、現在世作因，現在法與現在、未來世作因；未來法與未來世作因。又如過去心、心數法，緣三世法；未來、現在心、心數法，亦如是斷心、心數法，能緣不斷心、心數法，能緣可斷法。如是等三世諸法，因緣業果共相和合，是名爲合。菩薩不作是合，何以故？過去已滅，云何能爲因爲緣？未來未有，云何爲因爲緣？現在乃至一念中不可住，云何爲因爲緣？是名不合。佛自說因緣。三世及名字空故，云何言合？

(七)佛言：「菩薩摩訶薩行般若波羅密，薩婆若不與過去世合，何以故？過去世不可見，何況薩婆若與過去世合？薩婆若不與未來世合，何以故？未來世不可見，何況薩婆若與未來世合，薩婆若不與現在世合，何以故？現在世不可見，何況薩婆若與現在世合！菩薩摩訶薩應如是習應，是名與般若波羅密相應。」菩薩行般若波羅密，不觀薩婆若與過去世同；何以故？過去世是虛妄，薩婆若是實法；過去世是生滅相，薩婆若非生滅相。過去世及

法求覓不可得，何況薩婆若與過去世合！復次，佛自說因緣：菩薩摩訶薩行般若波羅密，不見過去世，何況薩婆若與過去世合！未來、現在世亦如是。未來世除生滅相，其餘義同，以時故說有三世：過去、未來、現在。時義如一時中說。薩婆若是十方三世諸佛真實智慧；三世者，從凡夫虛妄生，云何與薩婆若合？譬如真金，來與弊鐵相同。

若以着心取相念薩婆若者，不名迴向阿耨多羅三藐三菩提。若菩薩分別過去、現在諸佛薩婆若者，應與三世合，今不取相故，則無有合。薩婆若過三界，出三世，畢竟清淨相；行者但以憶想分別，我當得是薩婆若。如世間法，憶想當有所得，而是事未生未有，時節未至，因緣未會都無處所，云何當與未來薩婆若合？是薩婆若，菩薩所歸趣，深心欲得，故於三世中求索。

(八)佛言：「菩薩摩訶薩行般若波羅密，色不與薩婆若合，色不可見故；受、想、行、識亦如是。眼不與薩婆若合，眼不可見故；耳、鼻、舌、身、意亦如是，色不與薩婆若合，色不可見故；聲、香、味、觸、法亦如是。菩薩摩訶薩應如是習應，是名與般若波羅密相應？」色等事中，不應有與薩婆若合，所以者何？是薩婆若，三世中不可得故，色等事中亦不可得；是皆世間因緣和合，無有定性。

(九)佛言：「菩薩摩訶薩行般若波羅密，檀波羅密不與薩婆若合，檀波羅密之可見故；乃至般若波羅密亦如是。四念處不與薩婆若合，四念處不可見故；乃至八聖道分亦如是。」六波羅密之所以不與薩婆若合者，蓋六波羅密有二種：一者、世間；二者、出世間。爲世間檀波羅密故，說不與合，出世間波羅密，應與合。復次，菩薩行六波羅密，漏結未盡，不得與佛薩婆若合。佛說六波羅密空，尙不可見，何況與薩婆若合！三十七品亦如是。三十七品是二乘法，但爲涅槃，菩薩爲佛道，是故不合。若菩薩以著心故，行三十七品，多迴向涅槃，以是故，佛說不合。

(十)佛言：「佛十力，乃至十八不共法，不與薩婆若合，佛十力乃至十八不共法不可見故。菩薩摩訶薩如是習應，是名與般若波羅蜜相應。」十力乃至十八不共法，雖是妙法，爲薩婆若故行；以菩薩漏結未盡，故不應與薩婆若合、佛十力等法有三種：一者、菩薩所行，雖未得佛道，漸漸修習；二者、佛所得，而菩薩憶想分別求之；三者、佛心所得。上二種不應與合，下一種雖可合而菩薩未得，是故不合。復次，空故不可見，不可見故不合；是以皆言不可見故。

(十一)佛言：「菩薩摩訶薩行般若波羅蜜，佛不與薩婆若合，薩婆若不與佛合；菩提不與薩婆若合，薩婆若不與菩提合。何以故？佛即是薩婆若，薩婆若即是佛；菩提即是薩婆若，薩婆若即是菩提。菩薩摩訶薩行般若波羅蜜，如是習應，是名與般若波羅蜜相應。」佛是人，薩婆若是法；人是假名，法是因緣。衆生乃至知者、見者無故，佛亦無，衆生中尊上第一，是名爲佛，是故不合。得薩婆若故名爲佛，若佛得薩婆若，先以是佛，不須薩婆若；若非佛得薩婆若者，何以言佛得薩婆若？以是故，和合因緣生，不得言先後。離佛無薩婆若，離薩婆若無佛；得薩婆若故名佛，佛所有故名薩婆若。

菩提之所以不與薩婆若合者，蓋菩提名爲佛智慧，薩婆若名爲佛一切智慧；十智，爲菩提。第十一如實智，名爲薩婆若；二智不得一心中生。是十力等諸佛法及佛菩提，皆是菩薩憶想分別非實，唯佛所得薩婆若是實。今此菩提，是菩薩菩提，是心中虛妄未實，云何與薩婆若合？此經中，佛自說不合因緣；何以故？佛即是薩婆若，薩婆若即是佛；菩提即是薩婆若，薩婆若即是菩提。菩薩摩訶薩行般若波羅蜜，如是習應，是名與般若波羅蜜相應。

(十二)佛言：「菩薩摩訶薩行般若波羅蜜，不習色有，不習色無，受、想、行、識亦如是。不習色有常，不習色無常，受、想、行、識亦如是。不習色苦，不習色樂，受、想、行、識亦如是。不習色我，不習色非我，受、想、行、識亦如是。不習色寂

滅，不習色不寂滅，受、想、行、識亦如是。不習色空，不習色非空，受、想、行、識亦如是。不習色有相，不習色無相，受、想、行、識亦如是。不習色有作，不習色無作，受、想、行、識亦如是。是菩薩摩訶薩行般若波羅蜜時，不作是念；我行般若波羅蜜，不行般若波羅蜜，非行非不行般若波羅蜜。菩薩摩訶薩如是習應，是名與般若波羅蜜相應。」

若菩薩觀五象非有、非無，於是亦不著，爾時，與般若波羅蜜相應。所以者何？一切世間二見：若有、若無。順生死流者多著；逆生死流者多著無。我見多者著有；邪見多者著無。四見多者著有；邪見多者著無。二毒多者著有，無明多者著無。不知五象因緣集生著有；不知集者著無。近惡知識及邪見外書故，墮斷滅無罪福中；無見者著無；餘者著有。

或有衆生謂一切皆空，心著是空，著是空故，名爲無見；或有衆生謂一切六根所知法皆有，是爲有見。愛多者著有見，見多者著無見。如是等衆生著有見、無見。是二種見，虛妄非實，破中道。著有、著無，二事俱失，所以者何？若諸法實是有，則無因緣；若從因緣和合生，是法無自性。若無自性即是空。若無法是實，則無罪福，無縛無解，亦無諸法種種之異。

有見者與無見者相違，相違故有是非，是非故共諍，有諍故起諸結使，結使故生業，生業故開惡道門；實相中無有相違、是非、鬥諍！著有者，事無常，則生憂惱；著無者，作諸業罪，死墮地獄受苦，不著有無者，無有如是等種種過失；捨是則得實。

五象若常、若無常，是事不然，所以者何？若五象常，則無生無滅，無生無滅故，則無罪福，無罪福故，則無善惡果報，世間如涅槃不壞相。如是妄語，誰當信者？現見死亡啼哭，是則衆生無常；如草木凋落，華果磨滅，是則外物無常；大劫盡時，一切都滅，是爲大無常。如是等種種因緣，如是五象不可得。

無常破常，但不應以無常爲是，所以者何？若諸法無常相，念念皆滅，則六情不能取六塵。所以者何？內心、外塵俱無住故

不應得緣，不應得知。亦無修習因緣果報！因緣多故。果報亦多，此事不應得。又以有常見與無常見共諍。如是等種種因緣，五象無常則不可得。苦樂、我非我，若空若實、有相無相、有作無作，此義如先處處說。

五象寂滅者，因緣生故無性，無性故寂滅，寂滅故如涅槃。三毒熾然故不寂滅，無常火然故不寂滅，著三毒實相故不寂滅，三毒各各分別相故不寂滅。若菩薩摩訶薩，能如是離二邊，行中道，行般若波羅蜜亦不著。所以者何？菩薩不可得，般若波羅蜜亦不可得，不行般若波羅蜜亦不著。所以者何？行、不行、亦不著，二俱過故，是名與般若波羅蜜相應。

## 五、說習相應之利

佛言：「菩薩摩訶薩能如是行般若波羅蜜，惡魔不能得其便，世間象事，所欲隨意；十方各如恒河沙等諸佛，皆悉擁護是菩薩，令不墮聲聞、辟支佛地；四天王乃至阿迦膩吒天，皆益擁護是菩薩，不令有礙；是菩薩所有重罪，現世輕受。何以故？是菩薩摩訶薩用普慈加眾生故。菩薩摩訶薩如是行，是名與般若波羅蜜相應。」是菩薩行，畢竟不可得，自相空故。於一切法中皆不著，不著故無違錯，無違錯故魔不能得其便。菩薩入忍波羅蜜、慈三昧故，不切外惡不能中傷。世間象事者，資生所須，如法理事，皆得如意。所以者何？是菩薩世集無量福德、智慧因緣故。復次，於一切法心不著，心不著故結使薄，結使薄故能生深厚善根，深厚善根生故所願如意。菩薩智慧功德大故，諸佛心雖平等，法應念是菩薩，以勸進餘人。又是菩薩得佛智慧氣分故，別知善惡，賞念好人，無過於佛，是故佛念。佛念不欲令墮聲聞、辟支佛故，所以者何？入空、無相、無作，以佛念故而不墮落。諸天效佛念故，知其尊貴故念。所有重罪，以般若波羅蜜故，現世輕受。復次，菩薩能行般若波羅蜜得實智慧故，即入佛種中生，佛種中生故，雖有重罪，云何重受？能生無量福德者，無過於慈，是慈因般若波羅蜜生，得無量利益。菩薩若緣眾生，則是

慈心；若緣法則是行般若波羅蜜。故菩薩摩訶薩用普慈加眾生，所有重罪，現世輕受。

佛言：「菩薩摩訶薩行般若波羅蜜時，疾得諸陀羅尼門，諸三昧門；所生處常值諸佛，乃至阿耨多羅三藐三菩提，終不離見佛。菩薩摩訶薩如是習應，是名與般若波羅蜜相應。」菩薩以福德因緣，教心柔軟，行深般若波羅蜜故，智慧心利；以是故，疾得陀羅尼及諸三昧門。所生處常值諸佛者，是菩薩除諸佛母般若波羅蜜，其餘一切象事皆不愛著。以是故，在所生處，常值諸佛。是諸菩薩愛敬於佛，及實相般若波羅蜜，及修念佛三昧業故，所生處常值諸佛。終不離見佛者，又人雖一世見佛，更不復值。菩薩世世善修念佛三昧故，不失菩薩心故，作不離佛願，願生在佛世故，種值佛因緣，常相續不斷故，乃至阿耨多羅三藐三菩提，終不離見佛，所謂生好處，值遇諸佛，常聞法。正憶念，是名相應。

佛言：「菩薩摩訶薩行般若波羅蜜時，不作是念：有法與法若合若不合，若等若不等。何以故？是菩薩摩訶薩不見法與餘法若合若不合，若等若不等。菩薩摩訶薩如是習應，是名與般若波羅蜜相應。」不切法，無有法與法合者，何以故，諸法無少分合故。如異類同處，不名為合，相各異故，諸法亦爾，地相地中，水相水中，火相火中，如是異性，不名為合。以是故言，無有法與法合者。無合故亦無不合。等者，一切法一相，故名等。以皆是有相，皆是無常相，皆是苦相，皆是空、無我相，皆是不生不滅相，事無異故名為等。不等者，各各別相故，如色相，無色相，堅相，濕相，如是等各異不同，是名不等。菩薩不見等與不等，何以故？一切法無故，自性空故無法，無法故不可見，不可見故無等等。等與合，是習相應；不合不等，是不相應。

佛言：「空行菩薩摩訶薩不墮聲聞、辟支佛地，能淨佛土，成就象生，疾得阿耨多羅三藐三菩提。諸相應中，般若波羅蜜應為第一，最尊、最勝、最妙，為無有上！何以故？是菩薩摩訶薩行般若波羅蜜相應，所謂空、無相、無作，當知是菩薩如受記無

異，若近受記，菩薩摩訶薩如是相應者，能爲無量阿僧祇衆生作益厚。是菩薩摩訶薩，亦不作是念：我與般若波羅蜜相應，諸佛當受我記，我當近受記，我當淨佛土，我得阿耨多羅三藐三菩提，當轉法輪。何以故？是菩薩摩訶薩不見有法出法性，亦不見是法行般若波羅蜜，亦不見是法諸佛受記，亦不見有法得阿耨多羅三藐三菩提。何以故？菩薩摩訶薩行般若波羅蜜時，不生我相、衆生相，乃至知者，見者相。何以故？衆生畢竟不生不滅故，衆生無有生無有滅，若無有法生相滅相，云何有法當行般若波羅蜜？如是，菩薩摩訶薩不見衆生故，爲行般若波羅蜜；衆生不受故，衆生空故，衆生不可得故，衆生離故，爲行般若波羅蜜。菩薩摩訶薩，諸相應中爲最第一相應，所謂空相應，是空相應勝餘相應。菩薩摩訶薩如是習空，能生大慈大悲。菩薩摩訶薩習是相應，不生慳心，不生犯戒心，不生瞋心，不生懈怠心，不生亂心，不生無智心。」

不墮聲聞、辟支佛地者，空相應有二種：一者、但空；二者、不可得空。但行空，墮聲聞、辟支佛地，行不可得空，則無處可墮，復有二種空：一者、無方便空，墮二地；二者、有方便空，則無所墮，直至阿耨多羅三藐三菩提。本有深悲心，入空則不墮，無大悲心則墮。如是等因緣，不墮二地。

能淨佛界，成就衆生者，菩薩住是空相應中，無所復礙，教化衆生，令行十善道及諸善法，以衆生行善法因緣故，佛土清淨，以不殺生故，壽命長；以不劫不盜故，佛土豐樂，應念則至。如是等衆生行善法，則佛土莊嚴。

疾得者，行是空相應，無有障礙，則能疾得阿耨多羅三藐三菩提。

先說空相應，今說般若波羅蜜相應，後說無相、無作相應者，空有二種：一者、般若空；二者、非般若空。先言空相應者，聽者疑謂一切空，故說是般若波羅蜜空。復有人疑，但言空第一，無相、無作非第一耶？是故說空、無相、無作相應，亦是第一。何以故？空則是無相，無相則是無作。如是爲一，名字爲別。

最上故言尊，破有故言勝；得是相應，不復樂餘。是爲最妙

。如一切衆生中，佛爲無上，一切法中，涅槃無上；一切有爲法中，善法習相應爲無上。

是菩薩新行道，肉身未得無生法忍，未得般舟三昧，但以智慧力故，能如是分別深入空。佛讚其入空功德，故言如受記無異。有三種菩薩：得受記者、如受記者、近受記者。餘功德方便、禪定等未集，但有智慧，是故未與受記。又餘功德未熟故，聞現前受記，或生憍慢，是故未與受記。所以讚嘆之者，欲以勸進其心。利根者行是空相應，如受記無異。鈍根者行是空相應，若近受記。

今衆生常安隱得涅槃，是名利益。復有二種利益：一者、離苦；二者、與樂。如是菩薩摩訶薩，無量阿僧祇利益衆生。與般若波羅蜜相應故，雖利益無量衆生，無我心、無憍慢，故不求功報。以是故，說菩薩不作是念：我與般若相應，諸佛當授我記，若近受記；我當淨佛土，得無上道，轉法輪。

出法性者，行般若波羅蜜者，即是菩薩，知者、見者，即是衆生。法性中衆生變爲法性，以是故，菩薩不生高心，不從衆生求恩分，不見諸佛與受記。如菩薩空，佛亦如是。如行者空，得阿耨多羅三藐三菩提者亦空。何以故？佛自說：菩薩摩訶薩行般若波羅蜜，不生衆生相，乃至知者、見者相。菩薩行般若波羅蜜，尚不生法相，何況衆生相！何以故？佛自說因緣！是衆生畢竟不生，不生故不滅。若法不生不滅，即是法性相。法性即是般若波羅蜜。云何般若波羅蜜行般若波羅蜜？菩薩不受衆生者，不受神，但有虛妄計我。衆生空者，衆生法無所有故。衆生不可得者，以實智求不可得故。衆生離者，一切法自相離故。一切離自相者，如火離熱相等，菩薩行是衆生空、法空，深入空相應，憶本願度衆生，見衆生狂惑顛倒，於空事中種種生著，即生大悲心；以教化故，生大慈大悲；亦能常不生破六波羅蜜法。是菩薩行空相應故，不見我，亦不見世間樂，云何生著？菩薩摩訶薩，住是空相應中，能常不生六惡心。所謂慳心、犯戒心、瞋心、懈怠心、亂心、無智心。

菩薩摩訶薩如是習應，是名與般若波羅蜜相應。（完）